

Beata Funtanella

Ùn circava furtuna nè destinu
M'incaminava solu à l'acqua fresca
Cun l'ombra di a luna per vicinu
I manu bilanciandu a mio giaretta.

**Quandu scuntrai à tè ind'è lu caminu
In capu à l'usu anticu la to sechja
Quandu scuntrai à tè ind'è lu caminu
In capu à l'usu anticu la to sechja.**

Quessa ùn hà vistu sole o damicella
È tù mi festi un surisu graciosu
Dipoi fusti per mè cum'è a stella
Chì sà guidà l'amanti à locu ascosu.

**È sempre à listessa ora la più bella
Di quella funtanella fui amorusu
È sempre à listessa ora la più bella
Di quella funtanella fui amorusu.**

Ùn mi mancaste mai o Chjara Stella
Chì tù fusti per mè lu primu amore
Di sechje è di giarette più ùn ci hè
Ma per tè batte sempre lu mio core.

**Beata funtanella di San Pe
È a so acqua fresca senza sole
Beata funtanella di San Pe
È a so acqua fresca senza sole.**